




ԱՄՍԱԳԻՐ

ԿՐՕՆԱԿԱՆ, ՊԱՏՄԱԿԱՆ, ԲԱՆԱԾԻՐԱԿԱՆ ԵՒ ԲԱՐՈՅԱԿԱՆ

ԹԻԻ Բ. ՅՈՒՆԻՍ

1869

Բ. ՏԱՐԻ

ՆՈՐԻՆ ՎԵՀԱՓԱՌՈՒԹԵԱՆ ՕԾՄԱՆ

ԵՐԿՐՈՐԴ ՏԱՐԵԴԱՐՁԸ

ԵՒ

Ս. ԷԶՄԻԱՇՆԻ ՌԻՍՈՒՄՆԱՐԱՆԻ ՀԻՄՆԱԲԱՌԹԻՒՆԸ:

Նախընթաց Մայիսի 25-ին բաղդատոր
դանուկացիք ականատես լինելու ելիւ փա-
ռաւոր հանդիսակապարութեանց, որոց մինն
էր Նորին Վահագաւորութեան () ծման երկ-
րորդ տարեդարձը և երկրորդը՝ տեղւոյս կա-
ռուցանելի Ուսումնարանի հիմնադրանքը:
Առաւօտեան ժամերդութենից յետոյ Ար-
մաշու Վանահայր Գևորգապառ Գեորգ
Վարդապետը մի համառօտ, բայց ազդու
ատենարանութեամբ շնորհաւորեց Նորին

Վահագաւորութեան () ծման երկրորդ տա-
րեդարձը, յայտնելով իւր վանուց միաբա-
նութեան կողմից իրանց ամենայն ջիւղով առ-
ջութեամբ պատրաստ լինելը Նորա ազգա-
շահ մտադրութիւնքը և անօրէնութիւնքը
ի կատար հասուցանելու համար, և խնդրե-
լով Նորա միակ քաղցր ակնարկութիւնը
և խրատոյսը ի լուսաւորութիւն Ազգիս և
ի պայծառութիւն Ս. Ակեղեցւոյ: Ժամից
յետոյ Սխարանութիւնը ժողովեցաւ Վահա-

լանի մօտ, և «Նորին Վեհափառութեան առջև կատարեց մեր նախնեաց սովորական Մաղթանքը, որոյ խորհրդաւոր խօսքերքը նոր ըսողին մի խոր մտածութեան մէջ էին ընկղմում» և երեւակայութեան առջև ներկայացնում մի անցեալ՝ լի փառօք և պատուով, ուրախութեամբ և երջանկութեամբ... Մաղթանքից յետոյ տեղւոյս Ուսումնարանի յառաջագէտ աշակերտներէից մինը կարգաց մի իմաստալից ծառ, և ապա Վեհափառ Հայրապետը Պաշտօնիչ ասաց, օրհնեց Միաբանութիւնը և բոլոր հանդիսականներին, որոնք արժանացան «Նորին Սրբութեան աջն համբուրելու և ընդունելու «Նորա հայրապետական օրհնութիւնը:

II. Պատարագից յետոյ զնաց «Նորին Վեհափառութիւնը ամենայն ուխտիւք և միաբանութեամբ նոր Ուսումնարանի հիմնարկութիւնը օրհնելու: Եւստեղ շարական և հոգեւոր ընթերցմունք ըստ կարգին կատարելից յետոյ՝ Վեհափառ Հայրապետը ինքնին իւր ձեռօք առաջին քարը դրաւ, և ապա զազդեական լիզուի ուսուցիչ Պ. Ա. Յոյեանջեանը ի գիմաց հանդիսականաց կարգաց ծառ: Տեղւոյս ժողովուրդը՝ մեծ և փոքր, արական և իգական, աստիճանաւոր և հասարակ, որոնք ներկայ էին հանդիսի կատարմանը, ծառը աւարակեց յետոյ՝ «Կեցցէ՛ մեր Վեհափառը» գոչելով և հրացաններ արձակելով՝ թնդայրին օգը փողահարների հետ ի միասին:

Դաշը պատրաստած էր հասարակաց սեղանատանը, ուր հրաւիրուած էին բոլոր աստիճանաւորաց խումբը, Վաղարշապատու իշխանները և այլազգի պատուաւոր հիւրեր: Դաշու ժամանակին «Նորին Վեհափառութիւնը բաժակ առաջարկեց նախ վասն կենաց Օգոստափառ Պապիւր Եղէքսանդրի, երկրորդ՝ վասն կենաց «Նորին Բարձրութեան Պովկասեան Գոխարքայ Սիխայէլի, և վասն բարօրութեան ընդհանուր Եղգիս Հայոց և

ապա պատուաւոր հիւրերը առաջարկեցին բաժակ վասն կենաց «Նորին Վեհափառութեան, երբ տեղւոյս Աինօղի դիւանատան ծառայող Պ. Փ. Նաւասարդեանցը կարգաց մի դրուատ, մի փունջ վարդ նուիրելով, յետ որոյ աշակերտք սկսեցին քաղցրաձայն երգել ազգային երգեր՝ լի հայրենասիրական և ազգասիրական զգացմամբ:

Նշեկոյին ճրագալոյց էր, և հրեղէն տառերով փայլում էր յետագայ դրուածքը, — Կեցցէ՛ Պ. Է. ՈՐԳ. Պ. Վաթողիկոս ամենայն Հայոց: Հայոց Հաւատ, Հայոց Տուն, Կեցցէ՛ յաւէտ հաստատուն:

Եհա պսպէս մեծ ուրախութեամբ և հրճուանօք անցուցինք նախընթաց մայիսի 25-դ օրը, որոյ որքան նշանակութիւն ունենալը մեր հեռաւոր ազգակիցներին զգալի կացուցանելու համար, քաղցր է մեզ առաջարկել նոցա յետագայ խորհրդածութիւնը:

Մէկ մարդ այնքան մեծ է, որքան մեծ է նորա օգտաւէտութիւնը ընդհանուր մարդկութեան կամ՝ մէկ ժողովրդի ընդհանրութեան համար: Օգտաւէտութիւնը գործի մէջ է կայանում և ոչ կոչման. կոչումը միայն մէկ միջոց է, որով մարդս կարող է շատ կամ սակաւ օգուտ տալու կարողութիւն և առիթ ունենալ: Համալսարանական վկայադիր ունեցող մի անձն աւելի միջոց և կարողութիւն ունի մեծամեծ օգուտներ բերելու, քան թէ մի հասարակ դպրոցէ ելածը. սակայն կարող է և ընդհակառակն լինիլ, եթէ առաջինը իւր կոչման համեմատ նախապատրաստուած չը լինի, և կամ այնքան բարոյական ձգտումն չունենայ, որ կարողանայ գործով ապացուցանել իւր կոչման բարձր նշանակութիւնը: Եւսպէս՝ ուսումնական, փարժապետ, քահանայ, առաջնորդ, և այլ կոչմունք՝ աւելի բարձր սոցանից՝ առանց գործոց՝ լոկ անուններ են, և այն ժամանակ կարող են մեծ ախողոսով պատուիլ, երբ նոցա գործերը անհամեմատ

բարձր և ընդարձակ կր լինին և կանցնեն իրենց յանձնուած գործունէութեան ասպարիզի սահմանից. իսկ եթէ ընդհակառակն, նոյն սոսկ անուէր անգամ արժանի չեն կրելու. և աւելի փոքր են քան թէ մի անմեղ, բացաշխատատէր հողագործ և մի պարզամիտ, բաց ժրածան կօշկակար. վասն զի աստղագետ, կասէ, և ընկեալ ի հնոյն, ընդէն և զերկիրդ խափանէ. և կամ. Սրում շատ սուաւ, շատ խնդրեացի, և որում բազում աւանդեցաւ, առաւել ևս պահանջեացն ի նմանէ:

Եւ ինչ սակ է ինքն ըստ ինքեան «մեծ», մի թէ մէկ մարդ կարող է աւելի մեծ լինել քան թէ մի ամբողջ ժողովուրդ, քան թէ ամբողջ մարդկութիւնը: Ամենեւին: Ժողովուրդ ասած բանդ բոլորովին նման է մէկ անհատի: Անհատը ունի ձեռք, ոտք, գլուխ և այլն: Արտոյ կնք ասել մի թէ, որ գլուխը մեծ է, քան թէ ոտները, ոտները՝ քան թէ ձեռները, ձեռները՝ քան թէ աչքերը և այլն: Աշխարհս համեմատական աշխարհ է, այդ իրաւ է. բաց մի բան, որ պարզ է, ամբողջ է, որիչ է, ինքնուրոյն է, նորան իւր հետ համեմատել կարելի չէ, այլ մի այլ բան այլ բանի հետ կարելի է համեմատել՝ նոցա իրարու մէջ ունեցած տարբերութիւնը, մինի քան զմիւսը աւելի ունեցած արժանաւորութիւնը կամ թերութիւնը խմանալու համար: Մարդ մարդ է իւր բոլոր անբաժնեղանի միասին. զատիւր ամենաշնչինը նոցանից, (եթէ կարծում են թէ կայ), նա կը զըկուի կատարեալ մարդ լինելուց: Այսպէս և ժողովուրդը մի ամբողջութիւն է, բաժանիր նորան զանազան դասակարգերի, մինը քան զմիւսը աւելի արտօնութիւն ունեցող, մինը ծառայ և միւսը տէր, ըստ դրական իրաւանց և օրինաց, նա այլ ևս չէ ժողովուրդ, չէ՝ նա ժողով մարդոց, այլ զաղաններից և անասուններից բաղկացած խառնիճաղանձ մի խումբ: Եւ այսպէս բնական է նորան լինել

իւր մտաւոր զարգացման ստորին շրջաններումը, վասն զի մի բան, որ սկզբումը լինում է չար, յետոյ դրա չարութիւնը սովորութիւն դառնալով և ժառանգական կերպով անցնելով յետագայ սերնդին, չարութեան ժանիքները այլ ևս սարսուռ չեն բերում մարդոց վերայ, մինչև չէ բացվում նոցա մտքի աչքը, որով միայն կարելի է նշմարել և լուծել արիւն և մարմին դարձած չարութիւնը:

Մի ժողովուրդ, քանի որ նա դեռ ևս մտաւոր զարգացման ստորին շրջաններումն է, նա այդ ժամանակ իւր ամենայն գործը ձգում է մի աներեւութապէս կառավարողի ձեռք և ինքը իւր մասին բոլորովին անհոգ մնում: Փոքր ինչ յետոյ՝ երբ բնականապէս աւելի զօրացած անհատների մէջ զարթնում է բռնակալական կամ բարոյական ձգտողութիւն, նոքա ընդհանուրին իրենց ձեռքի տակ հաւաքելով իրենք իրենց միջնորդ են ներկայացնում աներեւութապէս ներգործող և ժողովրդի մէջ: Այդ ժամանակ մարդիկ նոցա ձանաչելով իրենց հրկային տէրը ի վերուստ նշանակած, իրենց ամեն հոգսը և կարիքը նոցա վերայ բարձելով՝ ինքեանք մի կողմ են քաշվում և դառնում կոյր հրամանակատար, — անում են այն, ինչ որ հրամայվում է նոցա անելու, և ոչինչ աւելի: Այսպէս աշխարհիս հրեւելի բռնակալները ամենայն կերպով ճնշել, տկարացրել են իրանց հպատակների մասւոր զարգացումը, որպէս զի նոքա աչք չբանան, ազատութեան ձգտողութիւն չբարձի նոցա մէջ: Ինչպէս նաև քուրմերը և քրմապետները ամենայն զգուշութեամբ աշխատել են ծածկել ժողովրդից իրանց զիւցաբանութիւնը և առասպելաբանութիւնը, իրենց իրիւսուբբ գիրքը ի վերուստ իջած, պահպանել են նորան մի որոշ քառսոր մէջ և չեն ուսուցիլ ժողովրդին, որ մի գուցէ նոքա աչք բանան և հասկանան, որ այդ ոչ թէ սուրբ գիրք է, այլ առասպելաբանութիւն է միանգամայն և խարդախու-

[Եւան զործիք*): Այլ որ մի ժողովուրդ ճշնութեամբ է պայտօսի, այդ միջոցին նորա համար մի բարոյական և անձնապէս շուքի նշանակութիւնը ևս այնքան է, որչափ և մի բռնակալի. վասն զի վատը, ինչպէս արդէն ասացինք, նոցա համար մի սովորական բան դառնալով՝ լաւ է թվում. իսկ ստուգապէս լաւին միտքը չէ հասնում: Վանի՝ քանի անգամ Վարայէլացիք ցաւեցուցին Սովսէսի պէս աստուածախօս, հայրենասէր, ազգասէր և անձնանուէր մարգարէի սիրտը, ասելով, թէ Ազգիպոստումն աւելի լաւ էինք սպրում: Աւ ինքը՝ մեծն ի մարգարէս Սովսէս՝ քաջ զիտէր, որ այսպիսի մի ժողովուրդ երբէք կարող չէ խմանալ իւր լաւն ու վատը, մինչև չզարգանայ նորա միտքը. ապա թէ ոչ՝ նորա համար մի և նոյն կը լինի սոխն ու սխտորը Ազգիպոստի, մանանան և լորամարդին Սինայի: Աոցա մտաւոր զարգացմանը նայելով՝ աւելի բնական էր նոցա հորթի զլուխ պաշտելը, քան թէ երկինք և երկիր Ստեղծողին: Աս քաջ զիտէր, որ նախապաշարմունքներից և բռնութիւններից կաշկանդուած ձկերթին դժուարին է

ճշմարտութեան մօտեցնել, զուք, կասէ, չէք կարող տեսնել Աւետանայ երկիրը, այլ ձեր որդիքը կը տեսնեն: Աւ որպէս զի նախապատրաստէր մի ազնիւ սերունդ, ճշմարիտ Աստուծուն ճանաչող և պաշտող մի ազգ, գրում է նա Աստուծոյ պատուիրանքները և մեծագործութիւնները. մի ամբողջ ցեղի ուսուցանում է իւր զրբերի պարունակութիւնը և պատուիրում է նոցա ամենայն ասնի օր կարգան ի լուր ժողովրդեան, որ տեսնեն իրենց անցեալը, նոյնը համեմատելով իրանց ներկայի հետ, զգան իրանց խտաւրութիւնը և Աստուծոյ զթառաւորութիւնը. իրանց ազիտութիւնը և Աստուծոյ խմաստութիւնն ու ներդաւմտութիւնը. իրանց մոլորութիւնը և Աստուծոյ հրաւերը. իրանց օրէնքների սրբութիւնը և հեթանոսաց անօրէնութիւնը. իրանց լոյսը և նոցա խաւարը: Զգան էակների սրտաբաժնելը և Արարչի անեղ և անսահման լինելը, որ չշեղին ուղիղ ճանապարհից, չընկղմին մոլորութեանց մէջ: Այս միակ ճանապարհով միայն կարողացաւ հասնել իւր

*) Հնումը ասիական ազգերի մէջ մանաւանդ Եզիպտոսումը և Հնդկաստանումը ժողովուրդը բաժանված էր չորս դիւանոր դասակարգութիւնների — զինւորական, կրօնաւորական, վաճառականական և երկրագործական կամ արհեստաւորական: Այս դասակարգութիւնները յայտնի են պատմութեան մէջ Քաստ բառով: Քաստը ժառանգական էր ըստ տեղական օրինաց, այնպէս որ ոչ որ ստորին քաստից իրաւունք չունէր բարձր քաստի մէջ ընդունուելու, այլ հօր պարապմունքը որդուն անցնելով պիտի շարունակուէր որդոց որդի: Հընդկաստանումը քացի այս չորս դիւանոր քաստերից էի շատ աւելորդ քաստեր կան — ծառայողների, գործավարների և այլն, որոնք մինը քան զմիւսը աւելի արհամարհուած և անարկուած են միւս քաստերից: Ըստ տեղական օրինաց, եթէ այդ արհամարհուած քաստի մի անդամը կը համարժակի նստել բարձր քաստի անդամի նստած տեղը, դրա համար նա արտրվում է կամ ենթարկվում ծանր պատի. եթէ խօսել է մեծերի մասին արհամարհանօք, այրում են նորա շըր-

թունքը. եթէ բացարձակ անպատուելէ նոցանից մի-նին, նորա լեզուն կտրում են. եթէ անհանգստացրել է փոքր ինչ Բրամինին (կրօնականին) ենթարկվում է մահու պատի. եթէ նորա հետ մի կարգում է նըստել մի շօրի վերայ, այլանդակում են նորան անբուժելի կերպով. եթէ հետաքրքրութենից շարժուած, լսել է նոցա իր-սուրբ զրբի ընթերցումները, նորա ականջները եռցրած իւղ են ածում. եթէ անդիր է արել դորանից մի բան, նորան սպանում են. եթէ յանցաւոր է գտնուել մի բանի մէջ, նորա պատիժը աւելի սաստիկ է լինում քան եթէ բարձր քաստի անդամներ, իսկ նորան սպանողին այն պատիժն են տալիս, ինչ որ շուն, կատու, աղաւ և այլ շնչին կենդանաց սպանողներին: Կան եւ այլ քաստեր, որոնք յայտնի են «պարիս», «պուլիս» անունով. դրա իրաւունք չունին քաղաքի կենդրոնումը բնակելու, Գանդէս զեւտումը լսելու. միւս քաստերը դոցա հետ յարաբերութիւն ունենալը պղծութիւն են համարում: Էւրոպական լուսաւորութիւնը զեռ եւս չէ կարողացել թեթեւացնել այս թշուառների դրութիւնը:

նպատակին Մեծ Մարգարէն և այնքան յարգ
ու պատիւ ստացաւ իւր նախնապատարաստած
սերնդից, որ վախենալով, թէ մի դուշէ յե-
տագոյ սերունդք ստատածացնեն նորան և
պաշտեն, անհետացաւ նոցանից, որ ակնհիւ
սարացոյց է, թէ ոչ փառք և ոչ պատուա-
սիրութիւն ստիպեցին նորան այս մեծագոր-
ծութիւնքը կատարել, այլ միայն իւր առ
Աստուած և առ իւր ազգն ունեցած ան-
սահման սէրն էր նորան ոգևորողը և այն
նորա միակ վարձքը:

Այսպէս մարդկութեան մէջ երբեմն եր-
բեմն զիսաւոր աստղերի սկսւ երեցած բա-
րոյասէր, ուսումնասէր և ազգասէր անձինք,
որոնք զգացել են, որ մասնաւորի բողոքա-
ւորութիւնը ապարադք ընդհանուրի մէջ
ապերժանկութիւն է միանրամայն և թշուա-
ռութիւն, ամենայն ջանք և ճիգն ի գործ
են դրել մերթ բանիւ և մերթ գրով հաս-
կացնել ժողովրդին իւր սեփական իրաւուն-
քը, շարժել նորա ինքնապորձունէութիւնը,
և իրբեւ ամենահեշտ միջոց հասնելու այդ
նպատակին, մասնացոյց են եղել Ուսումնա-
րանի վերայ: Ուսումնարանը, այս մարդկային
սեռի ջուրն ու հոգին, որից առանց կրկին
ծնանելու նորան փրկութիւն չկայ. ի սկզբ-
բանէ անտի մինչև մեր օրերը մարդասեաց և
բռնասէր մարդոց աչքում փուշ է եղել.
վասն զի դա է, որ մի ամբողջ ժողովուրդ
ստրկութեան, աղքատութեան, նախապա-
շարմանց և հազար ու մէկ քստմանի հան-
գամանքների անգութ և զաղրատելի ճան-
կերից աղատում և մարդավոյել վեճակի
մէջ է ձգում: Կ'ա՛ն է, որ իրբեւ մի երկրոր-
դական աւազան՝ մի ազգի բոլոր անդամներին
նորէն ծնանում, մի սիրտ և մի հոգի, մի
արիւն և մի մարմին է ասնում ամենին:
Կ'ա՛ն է, որ մի ազգի մէջ ցանուած չար օրոմ-
ները ժողովում և պրում է անշէջ հրով.
որ հերկում է մի բոլորովին խռպանացած
անդաստան, և նախապատրաստում նորան

բուսուցանելու այն բարի բարի սերմերը, որ
մեր Արարիչը ի սկզբանէ, դրել է նորա մէջ
և երկայնամտութեամբ սպասում է նորա
ածնունդ և բեղմնաւորելուն: Այլ որովհետեւ
միայն զոգը կուզէ մութ գիշեր, ձկնորսը պըր-
տոր ջուր, խաբերան՝ յիմարութիւն, անբը-
զամբ՝ մոլութիւն, բռնակալը՝ երկիւղ և
ստրկութիւն, աղուէսը՝ ուժ, թռչունը՝
բոյն և սլին և սլին, Ուսումնարանը զուում,
մաքրում է այդ աղտոյի և անխել յառ-
կութիւնքը, էլ այնուհետեւ մարդոց մոլու-
թիւնը սնունդ չի գտնում և հետևապէս
անհետանում է մոլութիւնը, երկիրը երկինք
է փոխվում և մարդը Աստուած, զի «Արք
ընկալանն զնա, եա նոցա իշխանութիւն որ-
դիս Աստուծոյ լինիլ»:

Այս ամենակարեւոր պահանջմունքը քաջ
յայտնի լինելով և մեր հասարակաց Հօրը,
Գլխաւոր Բզգասէր Հայրապետին, իւր
վարդապետութեան օրերը անդամ, ուր որ
դրել է իւր ոտքը՝ նոյն տեղ կառուցել է և
Բզգային Գալորցիներ: Աթէ ընդ իշխանու-
թեամբ այլոց ժամանակը՝ այս փրկարար հիմ-
նարկութիւնքը նորա սրտին մօտիկ և սի-
րելի առարկան է եղած, ո՞րչափ առաւել այս
օրուան օրս նորա համար սիրելի և փափա-
քելի է բոլորովին իւր ազգօգուտ նպատակ-
ներին յարմարացուցած Ուսումնարանների
կառուցումը: Բայց եթէ, Տէր մի արտայէ,
չյաջողի նորան հասնելու իւր նպատակին,
արդեօք ո՞վ կը լինի մեղաւոր: Մենք արդէն
պատասխանեցինք այս հարցին նախընթաց
սրարբերութեանց մէջ. բայց դարձեալ կը
կրկնենք որ՝ եթէ մի ազգի մտաւոր անդա-
ստան նախապատրաստում չէ ընդունելու
իւր մէջ բարի սերմեր, սերմանողը թող
լինի Աստուծոյ որդի, չի աճիլ, չի բեղմնա-
ւորիլ նորա մէջ, զի «Յիւրան եկն և իւրքն
զնա ոչ ընկալան»: Բայց այսպիսի եկեղ-
րութիւններ անտեղի է անել մեզ այժմ,
երբ տեսնում ենք ակնհիւ, որ մեր Ազգը

էլ այն չէ, ինչ որ էր մի քանի վար առաջ: Մեր Ազգի պահանջները այժմ մեծ է, կարօտութիւնը ակնհայտ. նա զգում է իւր թերութիւնը, չի հասկ ժողովուրդը պահանջն այն կէտին, որ ինքնաբոյն լցուցանէ իւր թերութիւնը: Նա, հարապատ որդու հպատակութեամբ, ցանկանում է, որ իւր բոլոր ձեռնարկութեանց մէջ իւր պատի միակ միտքով թափանցի, իւր նախնի փառաց միակ ժառանգի սուրբ մասն ու օրհնութիւնը լինի նորան առաջնորդողը:

Այս օրուան օրս մեր ազգութիւնը քաղաքական չէ, այլ բարոյական: Այսպիսի դրութեան մէջ ի՞նչ տեսակ մարդոց մէջ աւելի կարօտութիւն ունինք մենք, եթէ ոչ բարեկիրթ, ժրջան, ազգասէր և անձնատուէր հոգեւորականների մէջ: Արբէք պատահած չէ, որ մի ազգ ունենալով լուսաւոր և գիտնական հոգեւորականներ, նա թրջվաւութեան մէջ լինի եղած, և սորա հակառակ, երբէք պատահած չէ, որ մի ազգ երջանիկ լինի, եթէ նորա հոգեւորականներից բաղկանում է մի ազէտ և խաբեայ դասակարգ: Մարդկութեան պատմութիւնը ակնհայտ ցոյց է տալիս, որ իւրաքանչիւր ազգ իւր հոգեւորականների բարոյապէս և մտաւորապէս անխման հետ ընկնում է և կանգնում հետ կանգնում: Այսան զի ժողովրդի հոգին՝ կեանքը հոգեւորականների ձեռին է, նոքա են նորա պաշարանողը և մասնողը՝ Աստուծոյ և թագաւորի առջև, նոցա հետ կապողը և արձակողը: Մենք չենք տեսնում ոչ մի ժամանակ, որ Աստուծոյ կամ թագաւորի ազդեցութիւնը առանց միջնորդութեան հոգեւորականների ներգործելիս լինի ժողովրդի վերայ: Աղբւումը ժողովուրդը ներկայանում է մեզ իբրև մի երկխայ, որի լեզուն ոչ այլ որ գիտէ, բոց միայն հոգեւորականը, ուստի և անմիջապէս դառնում է նորա թարգմանը, որ ուրիշ միտքը նորան

հասկացնէ, նոքա միտքը ուրիշին: Մի կողմ դնելով հէթանոս ազգերը, որոնք անմիջապէս կախումն են ունեցել իրանց կրօնականներից, վերցնելով Աստուածաշունչ զիրքը, նորա մէջ անհամար օրինակներ կան, որոնցով կարող ենք ազդեցականել, թէ որչափ մեծ է եղել հոգեւորականների ազդեցութիւնը ժողովրդեան վերայ: Աստուած Մովսէս մարգարէին Փարաւօնի մօտ ուղարկելով՝ մատնացոյց է լինում Ահարօնի վերայ, որ նա խօսի թէ Փարաւօնի և թէ ժողովրդեան հետ: և սորա պատճառը ոչ այլ ինչ է եթէ, ոչ նոյն իսկ Ահարօնի հոգեւորական լինելը, որով անշուշտ աւելի ազդեցութիւն կունենար ժողովրդի վերայ, քան թէ Մովսէսն ինքը: Այսպէս Աստուած միշտ հոգեւորականների ձեռով է խօսում ժողովրդի հետ ասելով. — Աստ Փարաւօնին, որ արձակէ իմ ժողովուրդը: Աստ ժողովրդին, որ սուրբ պահէ իրէն: Վեղ պահապան եմ զիկ իմ ժողովրդի վերայ, եթէ դու չուսուցանես անօրինին և նա իւր անօրինութեան մէջ մեռնի, նորա արիւնը քեզանից կը պահանջում: Թագաւորներն էլ հոգեւորականներին են ղիմում, որ նոքա ժողովրդի սէրը և հաւատարմութիւնը գէպի իրեն դարձնեն: Ժողովուրդն էլ հոգեւորականներին է ղիմում, և նոցա միջնորդ չինում իւր և Աստուծոյ մէջ, իւր և թագաւորի մէջ: Ասացէք թագաւորին, որ թնթեացնէ իւր հարկը, ասացէք թագաւորին որ վերցնէ իւր բռնութիւնը, աղօթելէք Աստուծուն, որ այս ինչ պատիժը վերցնէ մեզանից: Նոքա էլ միշտ և ամեն ժամանակ կատարել են ժողովրդի խնդիրքը, պահպանել են նորա կեանքը, հարադատ մօր պէս խնամք են ունեցել նոցա վերայ՝ Աստուծոյ հրամանին համեմատ, և երբ չեն կարողացել ուղղակի հասնել իրանց նպատակին, նոցա ողունոյժ և զօրութիւն են տուել, միտքաբերելով և ոգեւորելով, որ առանց ընկճուելու՝ կա-

բողանան տանել բնական և քաղաքական
դժբաղդութեանցը:

Մարդու մարմինը զարգացումը ընդհա-
տու մեծ չունի: Մի կէտի վերայ կանգ առ-
նել և կաշկանդուել նորան անհնարին է:
Իսկ բարոյական ճշմարտութիւնը միշտ մը-
նում է անփոփոխ. նա ոչ աւելանալ ունի
և ոչ նուազել. նա էր, կայ և կը լինի միշտ
մի և նոյնը: Աղբը մը մարդոց միակ ուս-
մունքը այս բարոյական ճշմարտութիւնն է,
և դորան ուսուցիչ լինելով հոգեորականք,
ժողովրդի միակ դաստիարակը լինելով հո-
գեորականք, այդ պատճառով մեծ յարգ
ու պատիւ էլ ունենում են նորա առջև,
և հաւեապէս մեծ ազդեցութիւն էլ գոր-
ծում են նորա վերայ: Բայց՝ միայն հոգե-
կան յայանութիւնքը չեն, որ ազդեցութիւն
ունին մարդու զարգացման վերայ, բնական
և քաղաքական հանգամանքներն ևս ոչ պա-
կաս ազդեցութիւն ունին մարդու վերայ:
Եւրո որ այս վերջին հանգամանքները բարե-
յաջող են, այդ ժամանակ ժողովրդի մէջ
ծաւալվում է այլ և այլ ուսմունք, որոնք
միայն ըստ երեւութին են տարբեր կրօնական
ուսմունքից, բայց բուն հոգուն նայելով
առաջնոյ մի և նոյն նպատակն ունին: Հո-
գեորական մասը մեղք է համարում խոս-
տովանել այս ճշմարտութիւնը, ուստի և
զուրկ է մնում զորանից և դա դառնում է
ժողովրդի սեփականութիւն: Այդ ժամա-
նակ ժողովուրդը երեք գլխաւոր դասակար-
գի է բաժանվում — անուս, ուսումնական
և կրօնական: Անոց հետեւ շատանում է ու-
սելոց թիւը, և որքան շատանում է, այնքան
նուազում է կրօնականների ազդեցութիւնը
և նոցա ուսմունքը մի շինծու և խաբերայ
բան է թվում ժողովրդին, ինչպէս և առաջ-
նոցը՝ նոցա: Եւ այս շրջանի մէջ թէև
աւելանում է ժողովուրդի մտաւոր ոյժը,
բայց միակողմանի լինելով՝ մի նոյն քան ևս
պակասում է նորա կենսական, հոգեկան ոյ-

ժը, որ կթէ երկար ժամանակ շարունակուի
այսպէս, նա հետզհետէ կը նուազի, կը բշտ-
նանայ և կանհետանայ: Բայց բանն այդ ան-
ղը չէ հասնում: Եւրո մարդ ինքնաճանո-
թութեան է գտնիս, զգում է իւր սխալմուն-
քը, ձեռք է մեկնում կրօնականին և փո-
խանակ չարի չար հաստեցանելու, նորան էլ
բերում իւր հաւասարակից է անում մոքի
կողմանէ, որ նա կարողանայ հասկանալ
նորա լեզուն և ուղիղ թարգմանը լինել,
ինչպէս որ էր նորա երեխայ ժամանակը:
Այսպէս երբ մի ազգի հոգեորականք և աշ-
խարհականք ձեռք ձեռքի տուած միաբան
սիրով յառաջ են գնում, այդպիսի ժողո-
վրդի թէ ոգեկան և թէ մտաւոր ոյժը օրէցօր
աճում և զարգանում է և հետեապէս հո-
գեորականք ստանում են իրանց կորցրած
նախկին փառքն ու պատիւը:

Այս օրուան օրս մենք գոհ չենք մեր հո-
գեորականներից, չենք պատվում նոցա ըստ
արժանւոյն: Եւ է սորա պատճառը, ինչու
համար մեր նախնի երջանկայիշատակ հոգե-
ւորականք ևս այս ստորիճան անդաստուած
չէին. — փան զիւրյն ժամանակ նոքա ըստ զար-
գացման անհամեմատ բարձր էին ժողովրդ-
իկան զարգացմանից, ուստի և մեծ յարգ ու
պատիւ ունէին նորա առաջև. բայց այժմ
բոլորովին ընդ հակառակն ենք տեսնում:
Գիտութիւնը և ուսումը անցիլ է աշխար-
հականների ձեռքը, հոգեւորականք յետ են
մնացել. երկոցունց մէջ մտաց համապատաս-
խանութիւն չկայ. մինը միւսին ագէտ է հա-
մարում, միւսը մէկէլին աղանդաւոր. և որով
հետեւ այդ ստանանուն աղանդաւորների թիւը
այժմ շատացել է, փոխանակ այստեղից այն-
տեղից հալածուելուց, այժմ իրանք են հա-
լածում, անպատվում և նախատում:
Հոգեւորականք, որ պիտի լինի բարոյակա-
նութեան դաստիարակ, առաքինութեան
հայելի, որոց միտթարիչ, միով բանիւ որ
պիտի այն ստորիճան յարգ ու պատիւ ու-

նենայ իւր ժողովրդի մէջ, որ նորա ձայնը քարանձաւներու արձագանք չը լինի, նորա խօսքը գեղինը չընկնի, այդ համարմունքը պակսեցրել է նա ոչ թէ նորա համար, որ ժողովրդի սէրը, հաւատը ստուել է, կամ իրը թէ աղանդաւորները շատացել են, այլ որովհետեւ մտաւոր զարգացման մէջ շատ և շատ յետ է մնացել նա*):

Եհնայ աղգակործան երևութիւնաւորքն առնելու նպատակով՝ մեր հասարակաց հայրը, մեր Վ. Եհնայի 25-ին իւր (1) ծման երկրորդ տարեդարձի օրը մի հոյակապ ուսումնարանի հիմն դրաւ, որոյ միակ և եթ նպատակը պիտի լինի տալ մեր ազգին բարոյական և ուսումնական հոգեւորականներ: Եստեմեմ տալ մեր Ազգին, ուրեմն Ազգի համար են լինելու այդ հոգեւորականները, ազգի բարօրութեանը պիտի ծառայեն: Ուստի կը յուսանք, որ ազգը իւր սեփական, իւր անձին վերաբերեալ բոլոր հոգսերը չի բարձիլ մի այնպիսի Հայրապետի վերայ, որոյ շրջակայ հանգամանքներին նայելով, բայց Եստեմեմ միակ ողորմութեան և Ազգի միաբանական սիրով աշխատութեան՝ ուրիշ բանի վերայ կարող չէ դնել իւր

յոյսը և հեռւապէս տեսնել իւր հանրաշահ մասպարութեանց և ձեռնարկութեանց օգտուէտ արդիւնքը: Այո, նա այս օրուան օրս մեր Ազգի պեան և զլուխն է, սակայն, ինչպէս արդէն ասացինք, զլուխն ինքն ըստ ինքեան ոչինչ նշանակութիւն չունի, առանց ամբողջութեան միւս անդամների, որ է Ազգի ընդհանրութիւնը և ամբողջութիւնը, թէ մեծ և թէ փոքր, թէ աղքատ, և թէ հարուստ, թէ աշխարհական և թէ հոգեւորական: Վաշխը մտածում է, ունեւոր պիտի երթան՝ ձեռները պիտի գործեն: Արշուտանը ուրեմն, որ մեր Ազգը այս իրեն սրտի ամենամօտիկ հանգամանքի վերայ անտարբեր չի նայիլ, այլ ամենայն կերպով, թէ բանիւ և թէ մտօք, թէ բարոյապէս և թէ նիւթապէս կաշխատի, ի կատար հասուցանել իւր խի սրտի խորհուրդները, շնորհիւ իւր Վ. Եհնայի Հայրապետին՝ Վ. Ե. Ռ. Վ. Վ. Ի. և իւր Ռդորմաճ Այստի՝ Ե. Ե. Ռ. Ս. Ե. Ռ. Ի. Ի., որոյ օրերումը արդէն ըսկսել է լուսաւորութեան արեգակը իւր ճառագայթները թափանցել բազմադարեան և բազմամաստակ Հայկական սերնդի մէջ:

Վ. Աղայեանց

*) Այսօրից չորս հինգ տարի առաջ մեր Մայր Աթոռ խելացի և ուսումնական մարդոց վերայ բանադրանաց և յանդիմանութեան կոնգրէսներ էր ուղարկում. իսկ մօտը եկողներին եւ իրանց ազգաշահ ծառայութիւնը առաջարկողներին դուրս անում անպատուելով: Այս մի բանի մասնաւորների սխալմունքը որ տեսի կրօնասիրութեան եւ բարեարտութեան հետեւանք էր, քան թէ չարամտութեան և ազգատեղութեան, վերադրեցաւ Սուրբ Էջմիածնի ընդհանուր միաբանութեանը, որ երբէք զուրկ չէ եղել հեռատես և խելացի անդամներից, եւ տեղիք տուաւ մեր ուսումնականներին մեր հոգեւորականութեան մէջ երեւակայել միշին դարու արեւմտեան հոգեւորականութեան պատկերը, որ աններելի սխալմունք էր: Ա. Էջմիածինը բաց է այժմ ճշմարիտ ազգասէրների համար, գործունեաց և աշխատասէր մարդոց համար: Չունի այլ եւս իւր առաջնական հարստութիւնը, որ կարողանայ դրամով գրաւել օգտուէտ մարդոց,

բայց ճշմարիտ ազգասիրի համար ցանկալի է առաւել գործունէութեան լայն ասպարէզ ունենալը, քան թէ դրամական մեծ վարձատրութիւնը: Կը յուսանք ուրեմն, որ մեր ազգի եռանդոտ եւ ազգին ծառայելուն տխրապատաստութեան անձինք այլ եւս չեն կասկածիր, որ Էջմիածնի մայրական դիրքը պատրաստ է նոցա ընդունելու: Եւ այսպիսի անձանց այստեղ գտնուելուց յետոյ, կասկած չկայ, որ ազգի ընդհանրութիւնն էլ անտարբեր չի մնալ, այլ ամենայն կերպով կը պահպանէ իւր կեանքի միակ կենտրոնը, իւր սիրտը, առանց որոյ մի օր չի կարող շունչ քաշել եւ կը մատնուի յախտնական կորստին: Ժամանակ է, որ մենք զգանք այս անհերքելի ճշմարտութիւնը. եւ փոխանակ ճշմարիտ սրտացաւութեան, երկխայական թեթեւամտութեամբ չպղտորենք ազգի միտքը, չյուսահատենք մասնաւորների մոլութիւններից, խարդախութիւններից: Այս մասին ուրիշ անգամ երկար կը խօսինք: